

INUIT ATAQATIGIIT INATSIARTUNI



23.10.2025

Inatsisartut Suleriaasianni § 37, imm. 1 naapertorlugu apeqqutit tulluuttut Naalakkersuisunut saqqummiuppakka.

Naalakkersuisunut apeqqutit:

- 1. Nunanut allanut politikimut periusissiatta nutarternissaanut Naalakkersuisut qaqugu aggersaanissaq eqqarsaatigaat?**
- 2. Nunanut allanut politikimut periusissiatta ukioq manna naammassinissaanut Naalakkersuisut pilersaaruteqarpat?**
- 3. Danmarkip naalakkersuisuisa nunattalu Naalakkersuisutta akornanni Kalaallit Nunaat imminut napatittoq pillugu sinaakkutitut isumaqatigiisummut tunngatillugu partiinik aggersaanissamik Naalakkersuisut isumaliuteqarpat?**

(Inatsisartunut ilaasortaq Pipaluk Lynge Inuit Ataqatigiit)

Tunngavilersuut:

Nunanut allanut politikimut periusissiarput siorna atsiugarput nutaanngilivoq. Nunarsuaq allanngorpoq, pisiaralutalu aqunneqarnissatsinnik kissaateqartoqarpoq. Tuniniagaannginnerput, nunatsinni nammineq aqutsisuunerput pillugit erseqqissumik nalunaaruteqassaagut.

Inuit Ataqatigiinnit upernaag manna nunanut allanut politikimut periusissiatta nutaanngilinera oqariartuutigaarput. Nunanut allanut Ilisimatusarnermullu Naalakkersuisorput nunanut allanut politikimut periusissiatsinnik nutarterinissaanik partiinillu isumaqatiginninniarnissamut qaaqqusinissaanik kaammattorparput.

Susoqanngilarli. Pissutsit ullormit ullormut allanngorarput, Naalakkersuisut iliuuseqarnissaat pisariaqartipparput, taamaalilluni nunat allat nunatta qanoq inissisimaneranik, qanoq kissaateqarneranik immikkoortunillu sorlernik nunanik allanik suleqatigiissuteqarnissamik

INUIT ATAQATIGIIT INATSIARTUNI



kissaateqarnersugut ilisimasaqarsinnaaleqqullugit. Kalaalit Nunaata suut naleqartitarinerai nunarsuup sinnerata ilisimasariaqarpaa.

Kalaallit Nunaat ataatsimoorussamik nunanut allanut politikimut periusissiaqarnissaa, ataatsimut katersuuffigisatsinnik nipeqarnerput nunanullu killilersukkatsinnut nalaatsortumik qaaqquisannginnissaq pingaartoq Inuit Ataqtiginni isumaqarpugut.

Apeqqutima ullut suliffiusut qulit iluanni akineqarnissaat qinnutigaara, peqatigisaanillu § 37 naapertorlugu apeqqutima piffissaq eqqorlugu akineqartannginnerannik naammaginninnginnera Naalakkersuisumut erseqqissaatigiumavara.